

اداره مخصوصه

درسعادتنده باب عالی جاده سنده

محل اداره :

مشرط القیم

۱۳۲۶

اخطار :

مسلكمزه موافق آثار جدیدہ مع المنونہ
قبول اولنور
درج ابدلہ بن آثار اعادہ اولنار

دین، فلسفہ، علوم، حقوق، ادبیاتدن و سیاسیاتدن وبالخاصہ کړک سیاسی و کړک اجتماعی و مدنی احوال و شتون اسلامیه دن
بحث ایدر و هفته ده بردفعه نشر اولنور.

درسعادتنده نسخه سی ۵۰ پاره در

قیراه دن مقوا بورو ایله کوندریلیرسه سنوی
۲۰ غروش فضله آلنیر

درسعادتنده پوسته ایله کوندریلیرسه ولایات بدلی اخذ اولنور

صاحب و مؤسسلری :

ابوالعلا زین العابدین — ح. اشرف ادیب

تاریخ تاسیسی

۱۰ تموز ۳۲۴

آبونه بدلی

سنه الکی ۸۰
القی آیلنی ۴۰
غروش »

هر طرف ایچون

اوچنجی جلد

۲۴ شعبان ۳۲۷ پنجشنبه ۲۷ اغستوس ۳۲۵

عدد : ۵۳

فقط بویله معلمرك معلوماتلری اوروپانك ابتدائی مکتبیلرینی اکیل ایدن چوجقلردن ده آز اولدیغندن ، و اصول تربیه حقنیده معلوماتلری ده « دوكمك » دن ، اوتیه کچمدیکندن ؛ طبعی بونلر چوجقلری نه قدر دوکسه لرده بونلره معلومات ویره مزلر ، بونلرك افکارینی تنویر ایده مزلردی .

بوندن باشقه اصول تعلیمك اصول صوتی اولماسی و چوجقلرك « ایچك » اصولی ایله اوفوتدیرلمسی مسئلهینی ده فمالشدیرردی .

مثلاً : چوجقلر مکتبه کلاجه ایلك باشلادینی درس سورؤ فاتحهك برنجی سوزی اولان « الحمد » ایدی . اما بو « الحمد » بی اوقومق ایچون اولاشو سوزده کی حروفاتی کوزلجه بلله مهیه لزوم اولسه ده ، چوجق حروفاتك رسملرینی هیچ بیلمسه ده ازر « الف ، به ، ته ، نه . . . » دیه اوقویه بیلیورسه ، آرتق اوبیلیر دیه حکم اولونوب « الحمد » سوزینه باشلانیردی . و بوده شو طرزده اوقونوردی :

تهپ سین نه لم یه سه کین ، نهل حی سین حا ، نهل حامیم یه سه کین ، نهل حام دال طیردی ، (الحمد) .

و چوجق شومعنا سز سوزلری از برله مکه مجبور طوتولور ، وشو اصولده دوام ایدیلیردی .

طبعی چوجق نه قدر ذکی اولسه ده ، نه قدر چالشسه ده انجق ایکی اوج سنه ده ، اوده غایت کوجا کله براز اوقومهیه آلیشیردی . هله بر آز غبی ایسه ویا آز چانشیرسه اوج درت سنه ده بیله برشی یاپامازدی .

بونك ایچون بو اصولك ده دكیشدیرلمسی و مکتبيلرك اساسندن اصلاح ایدیلمسی حیات مسئلهسی ایدی . نهایت بوده اولدی . بو اصول ترك ایدیلرك اصول صوتیه قبول اولوندی . چو - جقلر غایت قولایلقله بر آیده اوقومهیه ، یازمهیه باشلادیلر . مکتبلر اوقبا ، جاهل صوفیلرك الذن آلتدی ؛ تربیه کورن ، اصول تعلیم بیلن معلمله ویریلدی . معاش تعین اولندی ، معلملر فخر و احتیاج سزالتمدن قور تاریلدی .

شیمدیکی حالده بتون تاتارلرك مکتبیلری اصلاح ایدیلمشدر ، دیسهم یالان اولمایه جقدرد ، ظن ایدرم .

مع مافیه بونلرك هپسندن اصول صوتیه قبول ایدیلکله برابر بتون مکتبلر عین سوویه ده دکلدر . معلملرك تربیه و بیلکیرینه کوره طبعی مکتبلرده درجه درجه در . بعض مکتبلرده ، اصول تعلیم اصلاح ایدیلمش اولقله برابر کوزل تعلیم کورمش معلم اوله مدیغندن مکتبلك اداره سی اصلاح ایدیلمه مش و لازم کلن فیلرك تحصیلنه هنوز باشلانممشدر . فقط بونلر پك آزدر . یاقینده ان شاء الله بونلره ده معلملر یتشه جك ، بونلرده مطلوب درجهیه کله جکدر . اکثریتله مکتبلر چوق مترقی در ، مکمل معلملر سایه سنده تاریخ ، جغرافیا ، حسابدن کوزل کوزل درسار ویریلیر ، و بوسایه ده مکتبلر کوندن کونه ترقی و تکمل آثاری کوستر .

فقط بوبوندوروق التنده ترقی ممکن می ؛ حکومت ینه قارشومزه

چیقدی . بو حرکت مدنیه مزى شدت و تضییقه قارشولدی . مکتبیلری اصلاح ایچون معلمله احتیاج اولدیغندن طبعی دارالمعلمین آچق لازم ایدی . لکن روس حکومتی اوکزه چیقدی ، حتی کندی مصارفزله دارالمعلمین آچیه رخست ویرمدی . و رخصتسز آچدیغمز دارالمعلمیلری پولیسارله قاپادی . و معلملر مزه معلملك شهادتنامه لرندن باشقه پولیس دائره سندن « بو افندی مستبد فکری در » دیه یرلی تصدیق نامه اولمایچه اوقومهیه رخست ویرمیه جکنی اعلان ایتدی . هم ده بواصر یاواش یاواش تطبیق ایدیلمکله ده باشلادیغندن اوراده بوراده مکتبلر قاپانمهیه ، معلملر حبسه آتیلمهیه ، سورکونه یوللانمهیه باشلادی . بونك اوزرینه مکتب مسئله سی شیمدی دهشتلی برمصادمه سیاسیه دوره سنه کیردی .

قزانی عیاض

صوکی وار

دار الخلافه :

آداب عمومیهیه رعایت

برمملکتك ضابطه سی اسایش محلینك محافظه سیله مقید اولدینی قدر آداب عمومیه نك وقایه سیله ده مکلف اولدینی جهته الیوم مرعی - الاجرا نظامنامه مخصوصنده مندرج مواده استناداً مأمورین ضابطهیه اعطا ایدیلن اوامر قطعیه اسکدار منطقه سی داخلنده متمکن اهالیجه ده معلوم اولق اوزره بوجه آتی اعلان ایدیلور :

۱ — بمض قادینلرك شعائر بمجله اسلامیه و تربیت مسلمة عثمانیهیه کلیاً مغایر اوضاع سربازانه ایله کزدکلری و مختلف ارککلر ایله ملاه ناسده اختلاط ایلکلری کورلمکده در . اطوار خارجییه بی ادب مملکتله توفیق ایدمه یلره النده کی نظامنامه نك سکسنجی ماده سنك بخش ایتدیکی صلاحیتله ضابطه طرفندن اولا اخطار کیفیت ایدیه جکدر . برنجی اخطاری اصفا ایتمه یلر ضابطه جه قید و تسجیل اولنه جق . اوچنجی اخطارده ایسه ادب و دیاتی پامال نسیان ایدنلر هر کیم اولورسه اولسون اوامر و تنبیها ت حکومتیه عدم رعایتلرندن ناشی حقلرنده تعقیبات قانونیه تطبیق ایدیه جکی کبی عبرة لاسا ترین غزته لر ایله ده اعلان کیفیت اولنه جقدر .

۲ — قاضی کوی مسیره لرنده ارکک و قادینك بر آرا ده کز مسی بعض محاذیری داعی اولدینی و خلاف تربیت احواله امکان ظهور بر اقدینی کورلدیکندن بعد ماقوش دیلی مسیره سی ارککلره ، یورغو تچی چایری قادینلره تخصیص اولمشدر . پولیس مأمورینی بو قرارك اجراسنه نظارت ایده جك و دیکه مینلر حقننده عینی مسامله قانونیه تطبیق اولنه جقدر .

۳ — اسکدار متصرفلنی مقررات آتفه بی ناموس پروان خلقلک تأمین استراحتیه حیثیت ذاتیه نك تعرضندن وقایه سی اساسنه تطبیق ایتدیکندن بالعموم اهالیجه بتمامها رعایت ایدیه جکنی قویاً امیدایلر .

مدیر مسئول :

اشرف ادیب

احمد ساقی پک

مطبعه سی